

Hexen oder Inhol- den Predigten.

Darinnen zu zweyen vnderchied-
lichen Predigten/auff das kürzest vnnnd orden-
lichest angezeigt würdt/ was in disen allgemeinen Land-
klagen/ vber die Hexen vnd Inholden/ von selz-
bigen warhafftig vnnnd Gottseelig-
lich zuhalten.

Durch M. Jacobum Græter/P. L. Prediger
vnd Decanum zu Schwäbischen Hall.



Getruckt zu Tübingen / bey Alexander Hock/
im Jarnach Christi geburt/ 1589.

W

12/10/75


A.280653

1-45

Den Edlen vñ Jes-
ten/Hans Werner von Wolmers-
hausen/zu Amlischhagen/vnnd
Burleswag.

Des gleichen/
Den Edlen/vñ vil ehrentugentreichen Frau-
en/Anna Susanna / von Wolmerhausen/ 2c. gebornen
von Rosenberg. Meinem großgünstigen Juncck-
herm vnd Frauen/sampt vnnd bes-
sonderes

Gnad vnd Frid in Christo Jesu/vnserm
Herin vnd Heylandt.

ddler/ Ehrnveste/ großgün-
stiger Juncckherz / auch Edle/
Ehrentugentreiche Frau. Di-
se zwo Predig von Heren vnnd
Vnholden/hab ich (ohne rhum
zu melden) nicht ohne vilfältigs fleißigs nach-
lesen/gehalten/beschriben / vnnd in den Truck
verfertiget.

Was ich aber darüber bey den vnartigen
Lesterern/für seltsame vrtheil/vnd verkerte Ius-

Vorrede.

dicien werde aufstehn müssen/ das würd die zeit bringen. E. E. vñ E. werden inen solche Predigten/ auß hochberümpftem rechtem Adeltichem Enfer gegen der lautern / vnuerfünckelten Göttlichen Warheit/ verhoffentlich / sonderß wol gefallen lassen. In erwegung / das die Selgarnkeit darinnen mercklich gespürt würdt: vnd ein solche strittige/ verworne sache/ fürßlich vnd einfältig/ in richtige Ordnung gefaßt ist. Mein Gemüth ist hterinnen anderß niergent hin gerichtet: Dann vnuerstendiger Leut Irthumb/ vñnd selgarnen wohn/ von solchem ganken handel/ in die Warheit zu leyten. So ichß nicht allerdingß durchauß getroffen hette: Wölte ich mit dem Prediger Solomon/ Cap. 1. sagen: Krumm kan nicht schlecht werden: noch der Fehl gezelet werden. Hoffe aber zu der Allmächtigen warheit Ihesu Christo/ es sene den sachen recht geschehen.


Der Barmhertzig Gott/wölle E. E. vñ E. sampt deren einigen vil geliebten Sohn/ Hans Conradt/ 2c. in langwüriger gesundt-
heyt/vnder seinem Schutz vñnd Schirm/ mit
gnaden

Vorrede.

gnaden erhalten. Vnd thue E. E. vnd T.
ich mich zu sonderu gunsten diensilich besähe-
len: Datum Schwäbischen Hall/den 19.
Julij/im 1589. Jar.

E. E. vnd T.
Dienstwilliger

M. Jacobus Græter/
Prediger vnd Decanus
daselbsten.



Die

Die erst Hexen oder Vnholden Predig/gehalten auff den vierten Sontag nach Trinitatis:

Ob vnd was Vnholden seyen? Was sie darzu
verursacht? vnd wie schwerlich sie Sündigen?

Euangelium/Luce 6.

Seidt Barmhertzig/wie auch ewer Vatter
barmhertzig ist. Richtet nicht / so werdet
ihr auch nicht gerichtet. Verdampft nit/
so werdet ihr auch nicht verdampft. Vergebet/so
wird euch vergeben. Gebet/so wird euch gegeben/
Ein vol gedruckt/gerüttelt vñ vberflüssig Was/
wird man in ewren Schoß geben. Den eben mit
der Was/da ihr mit messet/wird man euch wider
messen.

Vnder saget ihnen ein Gleichnuß/ Was auch
ein Blinder einem Blinden den Weg weisen? Wer
den sie nicht alle beyde in die Gruben fallen? Der
Jünger ist nit vber seinen Meister/ Wen der Jün-
ger ist wie sein Meister/so ist er vollkommen.

Was siehest du aber den Splitter in deines Bru-
ders Auge/vnd des Balcken in deinem Aug wirst
du nicht gewar? Oder wie kanstu sagen zu deinem
Bruder?

Bruder? Halt still Bruder/ ich will den Splitter auß deinem Auge ziehen/ vnd du siehest selb st nit den Balcken in deinem Auge. Du Heuchler/ zeuch zuuor den Balcken auß deinem Auge/ vnd besihe denn / das du den Splitter auß deines Bruders Auge ziehest.

Auflegung.



Eliebte im Herrn Christo. Es ist jekiger weiler / allenthalben/ wo man hin steht vnd geht/ ein gemeine sag vnd Klag von Heren oder Vnholden: man stöck vnd plöck / man sengt vnd brent sie auch an vilen ohrten. Vnd wo man sie schon nit würcklich zum Tode verdampft / so Richt vnd Verdampft mans doch mit worten: das Hagel/ Vngelwitter vnd aller vnfall von ihnen gekocht vnd zugerichtet werde. Welches gleichwol in einen weg wahr ist: das vmb der Vnholden willen/ Hagel vnd vnfall kompt: Aber wer vnd welche alle solche Vnholden seyen / da will sich jederman aufreden/niemands die schuld tragen: ein jeder will nur ander Leut richten / vnd den Splitter auß des Bruders Aug ziehen: da er wol etwan ein grossen Längen Wißbaum vnd Balcken darff darinnen haben. Was aber Christus hierzu sag: das meldet heutigs Euangelium: Du Heuchler (spricht der Herr) zeuch zuuor den Balcken auß

Zwo Predig von Hexen vnd Unholden'ic.

Gleichnuß:

Non videmus
manticæ quod
in tergo est.

Nob' sach / von
Unholden zu
Predigen.

auff deinem Aug/vnnd als dann besihe/das du auch den
Splitter auff deines Bruders Aug ziehest. Dann gleich
wie etliche Alte Leut/wenig in die nehe/vil vnnd wol aber
in die weite gesehen: Also wollen auch wir nur immer-
dar in ander Leut Sünden scharpffsichtig/ in vnsern aber
stahr/vnnd wol gar blind sein: sehen den Halsack nicht/
der vns vber den Rucken abhin hangt. Sonderlich
aber ist in disem handel/ von Hexen vnnd Unholden/
vber auff gefährlich richten vnd Vrtheilen: werden auch
vil vnnd offte fromme/vnschuldige Leut/grewlicher vnnd
Teuffelischer sachen bezüchtigt: vnnd kompt bey diser
argen/verkehrten Welt vil dahin: Das schier alle Alte
Weibspersonen/ vppiglich des Herenwercks verrüfft
werden.

Derwegen halte ichs nicht für einen Fürwitz / son-
der für ein lauttere Nothsach / hieruon bericht zu thon.
Sonderlich weil auch bey gelehrten vnnd verstendigen
leuten / so mancherley strittige/widerwertige meinungen
seyen / das schier keiner mit dem andern vber ein stimme:
vnd einer diß/der ander ein anders daruon helt: Auch vil
Leut vilmales/vilmehr ihren Fürwitzigen Köpffen/als be-
weißlichen Vrsachen nachtringen. So ist es dann
auch vnser Ampts / daß jenig anzeigen / damit sich die
Leut versündigen: Auff das sich niemands hab zu ent-
schuldigen / vnnd als ob mans nicht gewist / außzureden.
In einer solchen strittigen verwornen sach aber / wollen
wir vns zum wort Gottes halten / dasselbig vnser Regul
Compaß vnnd Winckelmess sein lassen: wie die Christlich
Kirch

Zwo Predig von Hexen vnd Unholden/1c.

Kirch auß dem 119. Psal: singt: Mein Füssen ist dein
Heiliges Wort/ein brinnende Lucerne: Ein Liecht/das
mir den weg weist forth / so diser Morgensterne / in vns
auffgeht/so bald versteht der Mensch die hohen Gaben/
die Gottes Geyst denen gwiß verheißt/ die Hoffnung
dartzu haben.

Derwegen wollen wir jehmals / zu diser ersten Pres
dig/von Hexen vnnnd Unholden in gemein etwas sagen:
Ob vnnnd was sie seyen? Was sie zu solcher Teuffelen
verursach? Auch wie schwerlich sie sündigen. Was
aber weiter hieruon nützlich vnd Christlich zu wissen/
(Liebts Gott vnd euch) in künfftiger Predig volgendes
verrichten: beneben vermeldung/wie wir zu vnser Besser
ung vnd Erbauung in solchen handel/ vns gänzlich vnd
Gottseliglich zu schicken haben.

Dann Anfangs / ist leider all zu wahr / auß Heyn
licher Schrift / auß glaubwürdigen Historien/
vnd täglich Erfahrung / kund vnnnd offenbar/soll
auch auß der ganzen tractation vnd handlung eruolgen/
das Hexen oder Unholden seyen: vnd ein vnnorwendige
vberfrag sein: da man allererst fragen/vnd es in zweiffel
setzen / oder disputierlich machen wolte. Weil man doch
siehet vnd weiß auß ihren wercken/das sie als rechte / lose/
böse Teuffels Leut / färschlich vnnnd wissenlich durch
Gottlose mittel sich bemühen vnd vnderstehn / sich Un
hold zu machen/das ist/den Leuten zu schaden / Laub vnnnd
Graf/Weid vnnnd Wasser/Vih vnnnd Menschen zuuers
derben: sich selbs aber in frewd/wollust vnd kurtzweil zu
bringen/

1.
Ob vnd was
Unholden seyen

Zwo Predig von Bexen vnd Unholden.

bringen: Darüber sie dann Gott ihren Schöpffer / sein Allmächtigkeit vnd guthätigkeit verleugnen/vnnd verscheren: hergegen aber dem Teuffel stätigen dienst vnd gehorsam versprechen: daß sie ihn für ihren Gott vnnd Herren/ erkennen/anruffen/halten/vnnd ihm allein vertrauen / vnnd seines willens leben wollen nun seind aber vilerley vrsachen/welche solche lose Leut / Teuffels Heut vnd Breut/darzu vermögen vnd bewegen. Dann einmal / gerathen etliche dahin auß lauterm Mißstrawen/vnnd vnglauben zu Gott/vnnd seinen Gnädigen verheissungen/d; sie sorgen erköñ vnd werd sie nit ernehren/meinen der Teuffel / der doch selbs Arm vnnd verdampt/soll sie reich vnnd Seelig machen / ihnen geben was sie wünschen vnd begeren. Etliche kömten dahin / durch Leichtfertigkeit/Faulwitz vnd Fürwitz / dieweil sie mehr als ander Leut sein wollen: Lassen ihnen an Menschlichem Stand vnd wesen nicht genügen: da verheißt ihnen dann der Sathan güldine Berg: sie sollen nur ihn sorgen lassen: das/ob sie schon für sich selbs kein mangel haben/an Gelt vnd gut/Frewd vnd kurzweil: so sticht sie doch der Fürwitz/wollen immerdar mehr haben. Dann wie Salomon in seinem Prediger Buch cap. 1. sagt: das Aug sihet sich nimmer sat: vnnd das Ohr hört sich nimmer satt. Fürwitz mache Jungfrawen tewr. Menschliche Seel/ist nach dem Fall ein vnersetzlicher Schlund / nach mancherley wunderbarlichen seltsamen sachen / das / ob gleich wol die fünff Sinn/alle stund vnd Augenblick/sehst diß/sehst das/der Seelen zuführen: so würdt sie doch nicht erfül-

2.
Vrsachen/ so
Unholden mas-
chen.

1. Unglaub
zu Gott

2. Faulwitz
vnd fürwige

Eccl. 1.

Sprichworte

Zwo Predig/von Hexen vnd Vnholden/ 126

erfült noch gesettiget: Eines andern Kinds Apffel/ist
 immerdar grösser als der sein: Was man heut einfach
 hat: das will man Morgen zwysfach oder doppelt ha- 3. Rachgiri-
 ben. Andere ergeben sich dem Vnholden werck / auß-
 Rachgirikheit / Neid vnd Haß/da man einen etwan leids
 gethon/ vnd sich für sich selbs nicht rechnen kennen/ schla-
 gen sie sich zum Rachgirigen vnd Mörderischen Teuf-
 fel: der verheißt inen dann weiß vnd weg anzuzeigen / das
 sie ihr Mütlin an ihren widerwertigen weidlich fülen
 sollen. Dann Rachgirige Leut geben offte ein Aug aus
 dem kopff/das ihr Widersacher gar blind wer. Wie sich
 etwan in den vorzeiten / die Leut in die Leibeigenschaft
 eingelassen / das sie ihrer Feind meister werden möchten. 4. Versüßung.
 So werden auch nicht wenig zu Vnholden/ durch böse
 Gespillschaft vnnnd versüßungen / von denen sie vberredt
 vnnnd hinderlich werden. Den wer Pech anrüh-
 ret/ der befudet sich damit/ vnd wer bey einem Hoffertis-
 gen wohnet / der lernet Hoffart. Syr. 13. Also wer
 bey Zauberischen Leuten wohnet/ mit Gabelreuterin zu-
 thon hat / der hört vnd lernet so vil von inen/ das er auch
 lust gewint in nach zu folgen. Allermeist aber gerathen
 die ellenden Leut dahin / durch verachtung Göttlichen
 worts. Dann wen man das auß den Augen setzet / dem
 Segensprechen / Allfaherney vnnnd Aberglauben nach-
 henget: so ist ein nacher weg zur Zauberney vnd Hexerney/
 Daher gibts auch so viel Vnholden im Pasterumb / da
 man kein rechte Erkenntnis Christi vnd seines Euanges-
 liums hatt: da allerhand Apostelßlerney vnnnd Aberglau-
 in schwangl geht. Kein rechte Euangelische Weib

Gleichung.

4. Versüßung.

Syr. 13.

5. Verachtung
 Göttlichen
 Worts.

Warumb viel
 Vnholden im
 Pasterumb seien.

1. Pet. 3.

Gen. 3.

2. Cor. II.

Gleichnus.

Ein andere
Gleichnus.

würd zu einer Vnholden. Dann der heitter glantz des
Göttlichen worts / vertreibt dise Geister / die gern im
Finstern hausen vnnnd mausen. Vnnnd wo das Wort
des Herrn groß bey einem Menschen gehalten würde:
das mans allein gelten läßt: Da läßt auch Gott die Teut
nicht also betrogen werden. Der Teuffel weiß / welche
er angreifen soll / als nemlich die jenigen / so seine List vnd
tück / nicht so leichtlich mercken: Vnd sonderlich weil im /
als einem vorthailischen Geist vnuerborgen / das das
Weib ein schwacher Werckzeug: er es auch im Paras
deis wol erfahren: so greiffe er die Weibsbilder am
meisten mit solcher Teuffelen an / vnd werden viel mehr
Vnholden Weiber / als Vnholden Menner gefunden.
Nemmet dessen ein gleichnus. Wenn du zu nachts ei
nem ein Bosheit thon wilt / vnnnd er merckt den bossen /
lessstu von stundan von ihm / vnnnd gehst zu einem an
dern / der voller schlaffs ist / oder sonst sich vmb solches
Lotterwerck nicht versicht: Also steigt der Teuffel auch
gern vber den Zaun / da er am nidersten ist / vnd pflegt das
Weiblich geschlecht am meisten / sonderlich aber ihm
Papstumb / da seine Tück nicht durchs Euangelium of
fenbar werden / anzugreifen. Kinder lassen sich leichts
lich bereden / es kom ein schwarzer Mann / ein kermich
feger / ein lange weiße Frau / wölle sie in Sack stoßen /
hinweg tragen / vnd fressen / wenn sie nicht auffhören zu
schreien. Wenn aber die Kinder zu ihrem verstand vnd
Jahren kommen / lassen sie sich nicht mehr also äffen vnd
bereden: sonder lachen darzu / wenn sie mit solchem Fabels
werck betrawet werden: Also wo man kindisch vnd vners
fahren

Zwo Predig / von Hexen vnd Vnholden. 10.

fahren in der heiligen Schrift ist: sich vmb Gottes wort weniger als ein Kint vmb den mittentag versteht/ kan man leichtlich zu disem Affen vñ Teuffelswerck der hexen kommen: Aber wo das Licht des Euangeliums aufge- **Joh. 1. 3.** steckt ist/ vñnd jnen die Leut die finsternuß nicht mehr/ als das Licht belieben/ vñd gefallen lassen/da wüdt es auch weniger Vnholden vñd Teuffels Breut geben.

N hat man sich aber billich vñm Hexenwerck ^{3.} fleissig zuhüten. Dann es ist ein gewliche sünd/ ^{Man soll sich fleissig vor hexen hüten.} Ja ein Hauptquell vñler erschrocklicher Sünden. **Vñd nennets Paulus / zun Gallat. am 5. Werck des** ^{Gal. 5.} **fleischs/sagt auch welche damit vmbgehen/die können das Reich Gottes nicht ererben. Vñnd Gott selbs spricht/ Exod. 22. Mann soll sie nicht leben lassen. Dann ein-** ^{Exodi. 22.} **mal/Sündigen sie wider das erst vñd ander Gebott Gottes: Das man an einen Gott glauben / nit andere Göt-** ^{1. Sünd wider die zwey ersten Gebott Gottes.} **ter haben/vñd den Namen des Herrn nicht mißbrauchen soll. Dann man glaubt je Gott nicht/ ja man verschwert ihn/man verleugnet ihn: man sagt ihm ab: vñ schlegt sich zum Teuffel/der Gottes Feind vñd widersacher. Wan sich ein hie sger Burger von vnser Oberkeit abzög / sagt ihr ab/schläg sich zum feindē/was meinet ihr/das sie darzu sagen wüdt? Also wie meinet ihr/das es Gott gefalle/ wenn man ihm durch Vnholdenwerck absagt: vñd sich zum Teuffel schlegt? Dann der Teuffel nimpt keine zur Hexen an/sie wider sag dann Gott/vñd versprech sich zu ihm / dem Teuffel / das sie ihn für ihren Gott haben wöll. Ja er verbeut ihnen Gott so hart/das sie auch sein**

Zwo Predig/ von Hexen vnd Unholden.

Hexenfarth nen heiligen Namen nicht nennen dörfen. Wie man von vilen Hexenfarthen liest / das alles verschwind / wenn nur eins etwan vnder einem ganzen hauffen / ohn gefehrd Gott nennet / so ist dan die kirch da nechtlen auß / das spil verderbt / der Tank verwüst: Es verschwindet alles in einem Hui vnd Augenplick. Man wird auch Tauff vnd Bundbrüchig an Gott. Dann im H. Tauff haben wir vns doch mit Gott verbunden / das wir vns zu im halten / dem Teuffel vnd allen seinen wercken widersagen / Gott allein dienen / vnd vns zum Christenthumb halten wollen. Aber da stellt man von Gott ab / wird meineidig an im. Ist das nicht ein graussame Sünd? Ja sie werden wol anderst vnnnd widergetaufft auff den Namen des Teuffels.

Sünd in den H. Tauff. Es sagt I.ulus / das die Hührer auß den Glidern Christi Hurenalider machen: Wie viel mehr machen die Unholden / auß Christi glidern Teuffels glider? Es sündigen aber solche Leut nicht allein wider Gott / vnd seine H. Sacrament: sonder auch wider die Menschen / Ja wider die gangen Natur / vnd alle Creatur Gottes / sie werden zu rechten Natur feinden / seind allen Creaturen vnd gütten gaben Gottes zu wider: Vieh vnd Menschen begeren sie zu verletzen / mit Gifft vnd Puluer anzustecken / zu Lähmen / vnd zu verderben. Ja sie haben wol kein rhu / es ist ihnen nicht wol / wenn sie nicht alle tag etwas böses stiftten / vnd so sie nicht mehr können / müssen sie doch libel vnd gelten / Löffel vnnnd Schäffel / Häffen vnd dergleichen verbrechen. Wie man sagt / Es muß ein Unhold alle tag etwas verwüsten. So machen sie auch vnschuldige Leut verdächtig: bringens in einem bösen Argwohn.

1. Cor. 6.

3. Naturfeind.

Unholdē rechte verwüsterin.

Zwo Predig / von Hexen vnd Unholden. 2c.

wohn richten Zank / Hader / Feindschafft vnd widerwill-
len an. Daraus Neid vnnnd Mord erfolget: sonderlich
wenn sie eingezogen vnd peinlich gefragt werden: geben
sie auß einblasung ihres Meisters / der ein Mörder / Lüge-
ner vnd betrieger ist / frommen / vnschuldigen Leut ein: die
ihre gedanken nie darzu gehabt / die solcher Teuffelen
von herten seind seind. Dan es heist nach dem gemeinen
Sprichwort: Ein beschifne kün / sieht gern zw. Sie
meinen sie wollen sich dardurch aufreden / weiß brennen /
entschuldigen vnd aufkommen. Wie dann solches viel
Exempel vnnnd Historien geben / das sie etwan die aller
frombsten Leut eingetragen / da ihre Lügen öffentlich be-
fant gewesen. Nicht weniger aber / bringen sie auch die
herrlichen künst der Arzney in verachtung / welche / wie
Syrach cap. 38. sagt / von dem aller höchsten kompt: vnd
der Herz hat sie dem Menschen zu Nutturfft vnd zu
nuß erschaffen. Dañ wen sie mit ihren. Zerenwerck vnd
Zauberey / mit ihren Salben vnnnd Häffelein alles auß-
richten / heilen vnnnd helffen können / was darff man der
Arzney? sie wirdt dardurch ring schädig vnd krafftlos
geacht / allerdings vernichtiget.

Verdenckung
vnschuldiger
Personen.

Sprichwort.

5. Vernicht-
ung der Arz-
ney.

Syr. 38.

Es handelt auch solches vnnützes volck wider alle
wol bestellte Statt vnd Landsordnung / wider Göttliche
vnnnd Keyßerlichen Rechten / vnd Satzungen: sie werden
verfleucht vnd gestrafft: sie werden vbelthätige Leut (ma-
leficæ) genennt / wegen der vbergrossen vbelthaten / die
sie als Feind des Menschlichen Geschlechts / vnnnd vers-
chwerungē Gottes / begehren vnd thun. Vnd würde Exod.
22. Levit. 19. 20. Deut. 18. Auftrudentlich beuoh-
len / man soll sie nit dulden / noch leben lassen.

6. Ubertretung
Göttlicher vnd
Keyßerlicher
Rechten.
Maleficæ.

Es

Zwo Predig von Hexen vnd Unholden/ 1c.

4.
Vermahnung
an das Weiber
Volck.
Es steht aber / liebe Christen/sonders dem Weibers
volck zubedencken/das sie standhafftige Christin sein vnd
bleiben / sich kein böse anreizung des Teuffels vnd seiner
Gesandten sollen verführen lassen/sonder stettigs an ihre
Taufglübd gedenccken / da sie dem Teuffel/ seinen Ges
pänsten/ anhang / wercken vnd wesen widersagt haben.
Iustina.
Niceph. Cal-
list. lib. 5. cap.
27.
Wie man von der Heiligen Jungfrawen Iustina zu
Anthiochialiset / das der Teuffel vnd seine Dotten / auff
mancherley weiß an sie gesetzt/ vnd vermeint sie wöllens
doch verführen / aber sie haben ein lehres Straw getros
schen: Es hat alles nichts geholffen. Diß ist / das S.
Eph. 6.
Paul. Ephes. 6. spricht: Wir haben nicht mit Fleisch
vnd Blut zukempffen: sonder mit Fürsten vnd gewaltis
gen / nemlich mit den Herren diser Welt / die in Finstern
uß diser Welt herschen / mit den bösen Geistern vnderm
Himmel/vmb des willen so ergreiffe den Harnisch Gots
tes/auff das ihr / wenn das böß Stündlin kompt / wider
stand thon/vnd alles wol aufrichten/vnd das Feld behal
ten möget. Vnd Petrus 1. Epist. cap. 5. spricht:
Seindt nüchter vnd Wachet. Dann ewer Widersacher
der Teuffel zeucht herummer wie ein Bröllender Löw/
vnd lugt wen er mög verschlingen. Dem widerstehende
vest im Glauben. Christus sagt selbs im heutigen Euang
gelio: Mag auch ein Blinder einem Blinden den Weg
weisen? Werden sie nicht alle beyde in die Gruben fallen?
Wer dem Fürsten der Finsternuß dem leidigen Teuffel/
vnd seinen Hexen volget: sich von ihnen führen vnd leiten
läßt: der würdt mit ihnen/in die Höllischen Gruben/
darianen kein Wasser/leben vnd Trost ist/fallen/ewigs
Hungers.

Zwo Predig von Hexen vnd Unholden/1c.

Hungers vnd dursts verschmachten / vnaußhörlich heulen vnnnd Zeenklaffen müssen.

Vnd wie aber der Teuffel ein alter vnuerdrossner lauffent Künstler ist: also ist er auch ein alter verschmitzter Betrieger: Er leugt nicht immerdar / sonder sagt bißweilen auch zu seinem vorthail die warheit: doch wann er ein Warheit sagt / so sagt er zehen lügen dargegen. Er mordet auch nicht immerdar / sonder er hilfft bißweilen / das er hernacher Leib vnd Seel verderb: Aber er bereugt immerdar: Er ist ein vnaußhörlicher Betrieger. Er betreugt die Unholden vmb ihrer Gottlosigkeit willen: Er betreugt andere vmb ihres vn vnnnd Aberglaubens willen. Es ist deß mehrern vnd größern theils / Betrug vnd Blendwerck / mit dem ganken Unholdenwerck. Der Teuffel ist ein Meister vnd außbund vber alle Gauckler. Vnd so die Gauckler / Boffenreisser / Brillenreisser vnd Abentheurer / als geschwinde kunden / offte etwas seltsams / das wider vnd vber die Natur scheinet / auff die ban bringen können / das auch Leut die etwas feind / drüber vernarren / wie solte nicht der Principal Gauckler der Teuffel / die Unholden / vn̄ Aberglaubigen Leut / blenden / die Augen betriegen / Vernunft vnd Verstand bestärken können? Er kan die mittel vnnnd vrsach dardurch erwirckt / eylends zuwegen bringen: vnd durch behendigkeit macht er / das man ein sach für ein Wunderswerck helt / das keines ist. In einem Hui oder Augenblick kan er so weit kommen / als wir in viel tagen mit grosser müh. Im Buch vom leben der Alten Väter / steht von einem geschriben / welcher vermeint / wie auch

5. Der Teuffel ein stetiger Betrieger.

Betrug vnd Blendwerck / hat bey der Hexerey die oberhand. Gleichnüg.

Zwo Predig/ von Hexen vnd Unholden.

Macarius. andere / sein Tochter were zu einer Kün worden: Aber der Heilig Macarius hatt sie / wie sie gewesen / für ein Mensch vnd Jungfrawen angesehen.

Germanus. Von dem heiligen Germano! ist man/ das er vber Nacht bey einem Wirt zuherberg gelegen/ da vil in seiner Nachparn gestalt kommen: vnd sich zu Tisch gesetzt haben: Aber es waren lauter Teuffel / welche der Wirt für seine Nachparn angesehen / vnnnd wurd der Betrug durch Germanum offenbar / das man die benachbarten alle in ihrem Beth vnd rhu schlaffend fande. Also hat auch auff ein zeit der Teuffel einem Messpriester vnd seinen Pfarkindern das Weibuch bezaubert / vnnnd inen die Augen verglastert / das sie das Weibuch für ein kartenspil angesehen haben. Summa der Teuffel ist ein wunderbarer Abentheurer: verruckt des mehrern theils den Unholden sinn vnd verstand/ das sie eins für das ander / ja wol nichts für etwas halten: vnd wie Bonauentura sagt / Syrewer für Schlangen vnnnd Natern ansehen.

Vil natürliche
er sachen/ were
den für Zauber
rey gehalten.

Cardanus
de subtilir.

Lib. 18.

Vnnnd deren sachen begeben sich auch vil Natürlicher weiß / da es gar nicht Zauberrey vnnnd Hexenwerck ist: wenn man Seiten von dermern gemacht/ nimet/ zerschackt sie klein vnd kurt/ als die Würmlein oder Maden/ vnd strewt auff heisses fleisch/ das erst auß dem offen vnd Haffen kompt: so schwür einer ein Aydt / es weren lebendige Würmlein im Fleisch. In krankheiten vnd Träumen treget sichs auch zu / das einem vil wunderbarer


Zwo Predig von Hexen vnd Unholden/te.

barlicher seltsamer sachen fürkommen. Wie man von einem schreibt / der nicht anderst gemeint / dann er wer zu einem Böckel worden : Etliche hat gedeycht sie seyen Kitz / Gew / vnnnd dergleichen Vnuernünftige Thier. Dann es seind die sinn gar betrieglich / vnd kan sich leichtlich schicken / das wir einen weissen Hund für einen Becken knecht ansehen.

Die Sinn betriegen / vnnnd werden betrogen / Leichlich vnd liederlich.

Gott der Herr wölle vns gnediglich vor allem betrug / Blendungen / bösen Versuchungen vnd eingebungen des bösen feinds behüten: auff das wir an im biß ans end bestendiglich verbleiben / durch den Sighafftigen Teuffelsbinder / vnd vberwinder / Christum Jesum / Hochgelobt in ewigkeit /
A M E N.

Beschluß diser Predig in ein Gebett verfaßt.



C ij Die

**Die ander Predig/
von den Vnholden / was vnnnd wie
vil sie können vnd treiben? Wie weit sich
ihr macht erstrecke?**

Auff Maria Heimsuchung gehalten.

Euangelium Luce. I.

Maria stund auff in den Tagen / vnnnd gieng
auff das Gebirge eylends / zu der Statt
Juda / vnd kam in das Haus Zacharias /
vnnnd grüßet Elisabeth. Vnnnd es begab sich / als
Elisabeth den Gruß Marie höret / hupffet das
Kind in ihrem Leibe. Vnnnd Elisabeth ward des
Heiligen Geistes vol / vnd rüffet laut vnd sprach:
Gebenedeyt bistu vnter den Weibern / vnnnd Gebe-
nedeyt ist die Frucht deines Leibs. Vnnnd woher
kompt mir das / daß die Mutter meines Herrn
zu mir kompt? Sihe / da ich die stime deines gruß
höret / hupffet mit freuden das Kind in meinem
Leibe. Vnd O Seelig bistu / die du geglaube hast /
denn es wirdt vollendet werden / was dir gesagt ist
vom Herrn.



Aufliegung.



Es ist (Geliebte im Herrn Christo) auß
vorgehaltener Predig beweist/das Un-
holden vnnnd böse Leut seyen / die Götze
vnd der Natur frembd vnnnd Feind sind.
Dann ihr Vatter vnnnd Meister / der
Teuffel lehret sie es / sie seind seine In-
strument vnnnd werckzeug / vnnnd was sie thon / das thon sie
nicht auß eigener Krafft / sonder auß Wirkung des bösen
Feinds. Dañ zugleich weiß wie die Apostel / durch
Gottes Finger vnd Krafft / ihre Wunderzeichen gethon:
Also thon die Zauberinnen vnnnd Unholden / ihre Werck
auß Krafft vnnnd beystandt des Teuffels. Dann der
Teuffel ist ein Fürst vnnnd Gott diser Welt: er herrschet
in den Lüfften vnder dem Himmel / vnnnd ist starck in den
Kindern des Unglaubens: Kan mächtig vil / sonders
wann er von Gott erlaubnuß / vnd zulassung hat. Vnnnd
gleich wie Gott in den gläubigen starck: Also vbet der
Teuffel sein krafft vnd macht / in seinen getrewen.

Luci. 11.

Job. 16.

Eph. 2. 6.

1. Cor. 12.

Wie vil nun er / vnnnd seine Breut die Hexen kennen /
vnnnd treiben: Wie weit sich ihre macht erstreckt? Wie
starck sie seyen: Darvon wollen wir sekunds / vermittelst
Göttlicher gnaden / kurtzlich vrd einfältig handeln / damit
dise verworne sach beschliessen / beneben vermeldung / was
wir darauß zur Nachrichtung zu behalten haben.

Erat concio
frequentissi-
ma, promissi-
one prioris
concionis.

Tractation,

Gehend aber wie das so feine Unholdlein seyen / die
auff einen gemeinen Seyhertag / so vil Leut in die Kirchen
gebracht haben. Dann aufangs wie die Histori Joks /

Ein Predig von Sereu vnd Vnholden/16.

Teuffels macht
groß.
Luc. 13. & pas.
sim apud E-
uangelistas.

Poltergeister.

1. R. R. 22.

Widertäuffer
Teuffel bezau-
bert.

solches gnugsam bezeugt / vnnnd hierüber ein weitläuffige
Auflegung ist / kan der Teuffel seer vil. So lesen wir
auch hin vnnnd wider in den Euangelien / wie die Geister
der Kranckheiten / vnnnd andere böse Geister / die Leut ge-
quelet / gemartert / vnnnd vbel geplagt haben: das sius taub/
Stumb / sprachloß / Blinde / Lahm vnnnd Krumb /c. ge-
macht haben. Es kan auch der Sathan sinn vnnnd ver-
nunfft dermassen Blenden / das etwan einer ein Eydt
schwür / er sehe oder hört diß oder jenes / das doch im grund
nichts ist. Ein solche blendung ist es mit Poltergeistern
im Papstumb gewesen / das man gemeint hat / sie werffen
alles auff einen hauffen / vnnnd hats doch Morgens ordent-
lich / einseitlichs an seinem ohre / widerfunden. Vnnnd
das kan der Sathan nuhn nicht nur inn Weltlichen /
Leiblichen sachen / sonder er blendet auch etwan die Ver-
nunfft in Geislichen vnnnd Glaubens sachen / darzu sie
dann vorhin gericht ist: vnnnd er kan einem einen Irthumb
eingeben / vnnnd ihn dermassen bezaubern / das er tausent
Eydt schwür / er wer recht daran. Also hat er 1. Reg:
22. Die falschen Propheten des Königs Achabs / ge-
blindet / das sie alle einhelliglich shren vierhunder / dem
König riethen / er solt wider den König auß Syrien strei-
ten / er würd mit glück vnnnd sig widerkommen. Sie wer-
den freylich nicht wissentlich ein solche grobe Lügen ge-
sagt haben: die shnen vbel het bekommen mögen: sonder
der Lügen Geist bezaubert sie / das sie vermeinten / sie wer-
ren recht daran. Also bezaubert er auch die Widertäuf-
fer / das / ob sie wol mit der Schrifft vberzeugt seind: so
wollen sie doch etwan lieber Gefängnuß vnnnd Todt leiden:
dann

Zwo Predig / von Hexen vnd Vnholden. 11.

dann das sie ihren Irthumb widerrufen solten. Das
würckt bey ihnen nicht der Geist der Wahrheit / sonder der
Geist der Zauberey vnnnd verblendung. Er kan auch ²¹Der Teuffel ist
noch viel anders mehr / auß zulassung vnnnd erlaubnuß wol ein stärker
Gottes: Er kan vns aber doch nicht ein Härlein kräncken aber ein ohn-
wo es im nicht von Gott ist zugelassen. Vnd da im mächtiger geist
gleich Gott etwas verhehret / steckt er im doch darneben ohne verheng /
ein ziel / vber welches er nicht schreiten soll oder kan: waiß
er noch so giftig vnd rachsüchtig wer: sich noch so graus-
sam stellt. Vnd was aber er nicht kan / das können noch
vil weniger seine Hexen vnnnd Vnholden. Dessen wöl-
len wir Exempel hören. Die Zauberer in Aegypten /
machen wie Moses / Schlangen auß ihren stecken: sie
machen auß wasser Blut: sie bringen Frösch herfür: Da
hette ihnen der H E X lang genug zugesehen / es war
zeit / das er ihnen ein ziel steckt / vnd das Handwerck nider
legt. Da aber Moses Lauff herfür bracht / auß aufge-
worffen ofenruch / können sie im nicht weiter nachaffen:
nicht ein einige Lauff machen / sonder sie sprechen / das ist
Gottes Finger / das ist vber vnser kunst / wir können nichts
mehr. Vnnnd hernacher da Moses macht / das böse
schwarze Blattern auffahren / an Vieh vnd Menschen:
könnens die Zauberer Aegypti / nicht allein nicht nachin-
thon / sonder sie wissen auch sich selbs nicht darvon zu-
entledigen / können nimmer dafür stehen / seind eben so
wol als andere Aegyptier mit bösen schwarzen Blattern
beladen. Numer. 22. vnnnd 23. cap. würd der berühmte
Warsager vnd Zauberer Bileam / von Balac der Mo-
abiter König bestellt / außs höchst gebeten / mit grossen
geschenken

Exodi. 8. 9.

Numer. 22. 23.

Zwo Predig/ von Segen vnd Unholden / 16.

Iob. I. &c.

Matth. 8.

Luc. 22.

III.
Warumb Gott
Sereyere
heng?

1.

2.

3.

Geschent vnd gaben gereiset / das Volck Israel zu verfluchen vnd zu verderben : aber er kan nichts / sein fluch geht auff ein Lami auß / ja er würd in Segen verwandele. Will der Sathan Job / an Gütern / Kindern / Biß / vnd eignem Leib angreifen / muß er vor gewalt vnd erlaubnuß bey Gott außbringen. Ja das noch mehr ist / es kan der Teuffel als teufers nicht in der Gergesener See fahren / vnd sie im Meer erseuffen / Christus hats im den zuvor vergünnet. Er begert die Jünger Christi / wie den Weisen / in einem Sib zureits tern / Aber der Herz sage zu Petro: Ich hab für dich gebeten / das dein Glaub nicht auffhör. Darauf erfolgt vnwidertringlich / das der Teuffel vnd seine Botten / Diener vnd Breüt / wider das ganz Menschlich geschlecht vnd alle Creaturen / nichts können / wo es nit von Gott verhengt / außgebeten / vnd erbetelt ist : aber da es ihnen vergönt worden / können sie mächtig viel / seind starck vnd grausam. Ey sagstu den sekund nicht vnbillich / wie mag doch Gott der Herz dem Teuffel vnd seinem Breüten / dise fremd vnd wollust gönnen / das sie ihren Miltwillen vben? So grossen schaden thun? Oder was zeihet er vns Arme Leut / das er ihnen so viel verhenge vnd zuläste? Antwort. Er thuts darumb / das er vnsern vn vnd Aberglauben straff / vnd vns die sicherheit neme: in seiner forcht erhalte / vnd zu inbrinstigen Gebet treib. Es gehn doch ohne das solcher weis / viel in grosser Koslosigkeit / sicherheit / vnd vnderlassung des Gebets dahin / vnd thun als wen kein Teuffel wer: was solte oder würde dan geschehen / wann er nicht sein Gewalt erzeiget / vnd durch

Zwo Predig von Hexen vnd Vnholden.

durch sein Gleichniß vnnnd vnzifer Schaden thetet? Wann wir vns aber vnder den Schirm Gottes beuelhen / mit Forcht darunder leben: werden wir wol sicher bleiben. Dann der in vns ist / der ist stercker denn der in der Welt ist: der kan dem Teuffel gebieten / ihn vn seinen Anhang vnder vnseren Fuß treten. Vnd wie der Engel des Herrn mit blossen Schwert / dem Bileam gewehret / vnnnd ihm den Todt getrewet / werde er anders reden / als ihm der Herz beuolhen: Vnd Bileam selbs bekennet / wie kan ich verfluchen / die Gott segnet? Also wo wir vns Göttern beuelhen werden: so würde er seinen Engeln vber vns beuelhen: das sie sich vmb vns lagern / vnd bewachen vnd bewahren / auff allen vnsern wegen / das sie vns auff den Händen tragen / damit wir vnseren Fuß an kein Stein stoßen.

Rom. 16.

Gleichnuß auß der Schrifft.

Num. 22.

Psal. 34. 91.

Steht vns demnach einmal zubedencken / das wir vns vorn Teuffel vnnnd den Vnholden nicht so hart entsetzen sollen: wie die jenigen thon / die zusammen fahren / wenn sie nur ein Vnholden hören nennen: sie dörfens selbs nit nennen / fürchten sie werden von ihnen geschossen. Aber hüte du dich vorn Sünden / das seind die giftigen pfeil / die dich verletzen: mach dich nit selbs zur Vnholden / das du bey Gott vnd Menschen / Laster vnd vntugendten halben Vnhold sehest: so wirstu den Vnholden wol entlauffen können. Wie wir lesen / das ein Vnhold / da man sie hat verbrennen sollen / auff dem Holzhauffen ihren Quatter ersehen / vnnnd zu ihm gesagt hab: Lieber Quatter / wie offte het ich euch gern angreifen vnnnd beschedigen wollen:

4.

Gemeine Lehren.

1. Vnholden nit zusehnen.

Iohan. Fisch. Catechism. K.

4. b.

Zwo Predig von Hexen vnd Vnholden /ic.

wöllten: Aber ich hab es nicht künnt. Dann ich wol gewist / das ihr mein Zauberer veracht / vnd euch Gott allwegen beuelhen. Wer vns Vnholden veracht / vnd Gott trawt / den können wir nicht beschedigen / noch schiessen. Dis ist das Jacob. cap. 4. sagt: Widersteht dem Teuffel / so fleucht er von euch. Man widersteht ihm aber / wenn man vest im Glauben ist.

Jac. 4.
1. pet. 5.

2. Vnholden
nie zugebrau-
chen.

Wie wir aber die Vnholden nicht fürchten / also sollen wir sie auch nicht brauchen / nicht rathefragen / inen nicht zulauffen / wenn vns etwas fehlt vnd mangelt. Was wir aber dises ohrts von Vnholden sagen / das kan vnd soll auch von Zauberern / Teuffelsbeschwerern / Schwarzkünstlern / Segensprechern / Christallsehern / vnd dergleichen Teuffels Leuten verstanden werden. Dann sie seind doch alle Geschwisterkinder miteinander: kommen von einem Vatter dem Teuffel. Vnd es heisset doch: Du solt nicht andere Götter neben mir haben. Du solt Gott allein dienen: du solt nicht Fleisch für deinem Arm halten. Du solt die vestorbenen Heyligen nicht anruffen: du solt die Engel nicht anbetten: noch vil weniger die Teuffel / die Zauberer vnd Vnholden. Dann solcher gestalt helt man den Teuffel vor Gott / für Barmherziger vnd Gewaltiger dann Gott. Man sündigt in Christum / der darumb kommen / das er die Werck des Teuffels zerstoren solle wir hören / nit die Hexen vñ Vnholden / wahrsager vnd Zauberer. Man sündiget wider den heiligen Geist: welcher dem höllischen Geist zuwider

Joh. 8.
Exod. 20.
Deut. 6.
Jer. 17.

Apoc 19.

1. Joh. 3.
Deut. 18.
Matth. 17.

Zwo Predig / von Hexen vnd Unholden. 12.

der vnd kan jnen niemands zumal dienen. Man sündigt wider die heiligen Engel / die vns zugeben seind / das sie vns vor dem Teuffel vnnnd seinem anhang / bewahren: so wollen wir denen anhangen / welchen die Engel wehren sollen. Man sündigt wider die Schrift / die weissset vns zum Gesetz vnnnd Zeugnis: nicht zum Hexen vnnnd Unholden. Man sündigt wider das Lauff gelübt. Summa: Es ist rechter Christen weiß nicht / das sie die Unholden Leut fragen: sonder sie sprechen mit Esaiä / Soll nicht ein Volck seinen Gott fragen? Aber Gottloser Leut art ist / sich der Zauberer vnnnd Hexen zugebrauchen. Pharao braucht seine Zauberer Jannes vnd Jambres. Balack leß ihm den Bileam holen. Saul zeucht zur Zauberin gehn Endor. Manasses geht mit Teuffels Leuten vmb. Die Epheser haben ihre Zauberrey Bücher.

Matth. 6.

Esai. 8.

c. 8.

Exod. 7.

2. Tim. 3.

Nom. 22.

1. Sam. 28.

2. Chronic. 33.

Act. 17.

Stecht derwegen hie ferners fürnemlich Obrißkeiten zubedencken: das sie solches Laster nicht sollen vngestraft lassen: nach außweisung Göttlicher vnnnd Keiserlicher Rechten / wie in der ersten Predig angemeldet worden.

3. Oberkeiten sollen die Unholden straffen.

Vns Kirchendienern aber / gebürt nicht hieuon gewisse Gesetz vnd Ordnung zugeben / welches Keysern / Fürsten / Herrn / Frey vnnnd Reichsstetten zusticht / das aber gebürt vns zusagen / das man böser Leut / als öffentlicher Feind des Menschlichen geschlechts / vnnnd beförderst

Zwo Predig/von Hexen vnd Unholden/ 10.

Vide Alex. ab
Alex. Genial.
die R. lib. 2. c.
16.

Luth. Tom. 7.
German. Ie-
né. fol. 273. b.

Zauberische
Nachrichter nit
zugebrauchen.

derst Verschwerer Gottes ihres Schöpfers / nicht
verschonen soll: Dieweil sie nach ihres Meisters des
Teuffels art / anders nicht begeren / den schendlich zu sein/
Jammer vnd vnfal zu zufügen. Vmb solches argen/
verzweiffelten fürsaz wegen / seind sie billich zu straffen.
Vnd den auch / das sie / wie D. Luther schreibt / wider
Christum den Teuffel / mit seinen Sacramenten vnd
Kirchen stercken: Aber hie soll man nicht zu geschwind
fahren / nicht auff alle Flugreden gehn / das gemein ges
chrey gemeiner Leut/nicht für gewiß halten: sonder zu
for alle vmsiend gründlich erfahren / vundsatten berichte
einnemen: sonders aber gar nicht brauchen solche Zauber
rische Nachrichter / die Teuffel mit Teuffel vertreibens
dardurch die Richter betrogen / vnd vilmalen vnschul
dige Leut gepeinigt vnd verdampft werden.

5.
Allgemeine ver
mahnung auß
dem Euangelio.

1. Timoth. 2.
1. Thes. 4.

Letzlich hat auch das Weiberuoelck / ja wir alle zu
lernen / das wir zu verhüttung aller Teuffeley der Hery
erey / vns nach dem Tempel der beyder Gottliebenden
Frawenbilder/ Elisabeth vnd Maria/deren im heutigen
Euangelio gedacht wirdt / zu verhalten haben. Denn
einmal sehen sie beyde auff sich selbs/ bleiben im Glauben/
in der Liebe in der Heiligung/vnd unbefleckter zucht/
behalten ihre gefäß rein vnd keusch. Maria ist vber das
gebirg gegangen/nicht hinüber gefahren/auff einer gabel
oder Bock/ 10.. Sie geht endlich hinüber / läst sich den
bösen Geist nicht hinüber tragen. Elisabeth wartet
ihrer haushaltung / helt sich innen / wie ein Schneck in
ihrem heußlin.

Darnach

Zwo Predig/ von Hexen vnd Unholdet. 12.

Darnach sehen sie auff den Herrn: reden von seinen Wercken/ welche er an ihnen ja an ganzen Menschlichen Geschlecht gethon hat: preißen seine wunder/ ermahnen einander mit geistlichen Liedern vnd Lobpsalmen/darbey der Teuffel nicht bleiben kan. Sie sehen auff ihren Nächsten / dienen einander. Maria/ ob sie wol des Herren Mesia: Mutter ist / arbeitet sie doch bey ihrer Vassen Elisabeth / drey Monat lang / darnach zeucht sie wider zu hause / luge was sie daheimen zuschaffen hab. Dann fleisige Arbeit wehret dem Menschen vil böses: müßig gang/aber ist aller Laster anfang: des Teuffels pfülß/darrauff er alles arges stiftet: Wir wollen mit Maria vnd Elisabeth in lauterkeit vnd Warheit / Zucht vnd erbarkeit einher gehn: dem Herrn dienen in Heiligkeit vnd gerechtigkeit vnser Lebenlang / wie im gefällig ist: vnd dem Nächsten liebe beweisen: Auch immerdar bitten vnd beten: Führe vns Herz in versuchung nicht / wenn vns der böse Geist ansicht / zur rechten vnd zur lincken Hand / hilff vns thon starcken widerstand / im Glauben fest vnd wol gerüst / vnd durch des heiligen Geistes trost.

Pfal. 103.

Eph. 5. 6.
Colof. 3.

Syr. 42.

1. Cor. 5.
Luc. 1.

Sechste Bitte
des Vatter vns
fers gesang
weiß.

Wolan / das weren dann / liebe Christen zwo furker Christlicher Predig / von Hexen vnd Unholden / in einer solchen vnrichtigen / verwornen srittigen / weitlauffigen Sach / auffß ordenlichst / so (meines versehens) immer sein mögen / bey gebracht. Der Herz verleih seinen gnaden Geist / das wirs nicht obenhin gehört haben / sonder das sie in vnsern Herzen ausschlagen / vnd vil frucht bringen / zum preiß Gottes / zu besserung vnd erbawung

Luc. 8.

Zwo Predig von Bexen vnd Vnholden. 121
des Nechsten / zu vnser zeitlichen Wolsarth / vund ewi-
gen Herzigkeit / durch vnsern einigen Heiland / vund
Seligmacher Christum Jesum / welchem sey Lob /
Ehr vnd preiß / sampt Vatter / vund heiligen
Geist / in ewigkeit / A M E N.



